

# Amdepin Tablet 5mg/10mg

Amlodipine Besylate equivalent to Amlodipine 5mg /Amlodipine Besylate equivalent to Amlodipine 10mg

## Apakah yang ada pada risalah ini

1. Apakah kegunaan Amdepin
2. Bagaimana Amdepin berfungsi
3. Sebelum menggunakan Amdepin
4. Cara menggunakan Amdepin
5. Semasa menggunakan Amdepin
6. Kesan-kesan sampingan
7. Cara penyimpanan dan pelupusan Amdepin
8. Maklumat lanjut
9. Pengilang dan Pemegang Pendaftaran Produk
10. Tarikh kemas kini RiMUP
11. Nombor siri

## Apakah kegunaan Amdepin

Amlodipine Besylate tergolong dalam kumpulan ubat yang dikenali sebagai 'calcium antagonists'.

## Bagaimana Amdepin berfungsi

- Tekanan darah tinggi (hipertensi)
- Sakit dada akibat penyempitan arteri koronari pada otot jantung (angina pectoris) atau sakit dada yang bukan biasa yang diakibatkan oleh kekejangan arteri koronari otot jantung (angina vasospastic).

Jika anda mengalami tekanan darah tinggi, Amlodipine Besylate berfungsi melonggarkan saluran darah dan jadi aliran darah dengan lebih mudah.

Jika anda mengalami angina pectoris, Amlodipine Besylate berfungsi meningkatkan bekalan darah ke jantung yang menghantar lebih banyak oksigen akan mencegah daripada sakit dada berlaku.

Tanya doktor anda jika anda mempunyai sebarang pertanyaan mengapa tablet Amlodipine Besylate telah ditetapkan untuk anda. Ubat ini hanya untuk diambil dengan preskripsi doktor.

## Sebelum mengambil Amdepin

### - Bila tidak boleh mengambil

Jangan mengambil Amlodipine Besylate jika:

- Anda pernah mempunyai reaksi alahan terhadap Amlodipine Besylate atau 'calcium channel blocker' yang lain. Ini termasuk felodipine, nifedipine atau lercanidipine. Tanya dengan doktor atau ahli farmasi anda jika anda tidak pasti.
- Beberapa gejala reaksi alahan kepada Amlodipine Besylate mungkin merangkumi ruam kulit, rasa gatal, sesak nafas, bengkak muka, bibir atau lidah.
- Anda alah kepada salah satu bahan yang disenaraikan pada hujung risalah ini.
- Amlodipine Besylate tidak disyorkan digunakan di kalangan kanak-kanak kerana tiada kajian mengenai kesannya di kalangan kanak-kanak.
- Berbincang dengan doktor anda, jika anda tidak pasti samada anda perlu mengambil Amlodipine Besylate.

Jangan mengambil Amlodipine Besylate jika:

- Bungkusan terkoyak atau menunjukkan tanda-tanda kelihatan tidak betul.
- Tarikh luput yang ditanda pada bungkusan telah tamat tempoh, walaupun ubat kelihatan elok.
- Jika ubat telah tamat tempoh atau rosak, kembalikan kepada ahli farmasi anda untuk pelupusan.

### - Sebelum mula mengambil

Beritahu doktor anda jika:

- Anda mengandung atau bercadang untuk hamil ketika mengambil Amlodipine Besylate.
- Ubat-ubat seperti Amlodipine Besylate akan menjejaskan perkembangan bayi jika anda mengambilnya semasa kehamilan. Doktor anda akan membincangkan risiko dan faedah pengambilan Amlodipine Besylate semasa hamil.
- Ibu yang sedang menyusukan atau ingin menyusukan.

- Doktor anda akan membincangkan risiko dan manfaat daripada mengambil Amlodipine Besylate ketika penyusunan badan.

- Anda alah kepada sebarang makanan, pewarna, pengawet atau ubat-ubat lain.

- Anda mempunyai sebarang masalah kesihatan, termasuk:

- Penyakit jantung seperti kegagalan jantung
- Penyakit hati
- Sebarang alahan lain

### - Jika mengambil ubat-ubat lain

Beritahu doktor anda jika anda mengambil sebarang ubat-ubat lain, termasuk ubat-ubat yang anda beli tanpa preskripsi dari kedai farmasi, pasar raya atau kedai makanan kesihatan.

Sesetengah ubat dan Amlodipine Besylate mungkin akan saling mengganggu.

Doktor atau ahli farmasi mempunyai senarai lengkap perubahan untuk berhati-hati atau dielakkan semasa mengambil Amlodipine Besylate.

Jika anda tidak pernah memberitahu doktor atau ahli farmasi tentang perkara-perkara ini, beritahu kepada mereka sebelum anda mula mengambil Amlodipine Besylate.

## Cara menggunakan Amdepin

Ambil tablet Amlodipine Besylate seperti yang doktor anda telah tetapkan.

Ikut semua arahan yang diberikan kepada anda oleh doktor atau ahli farmasi anda. Arahan yang tunjukan mungkin berbeza dari maklumat yang terdapat dalam risalah ini.

Jika anda tidak faham arahan yang dicetak pada kotak, tanya doktor atau ahli farmasi anda untuk mendapatkan bantuan.

# Amdopin Tablet 5mg/10mg

Amlodipine Besylate equivalent to Amlodipine 5mg /Amlodipine Besylate equivalent to Amlodipine 10mg

- Berapa banyak harus diambil  
Dos biasa bagi tablet Amlodipine Besilate adalah 5mg sehari. Doktor anda boleh meningkatkan dos ini kepada 10 mg sehari. Doktor anda boleh menetapkan dos Amlodipine Besilate yang lain bergantung kepada keadaan anda dan bagaimana tindak balas anda kepada ubat ini.

- Bila perlu diambil  
Telan tablet dengan segelas air. Ambil ubat anda pada masa yang sama setiap hari, sama ada pagi atau petang. Pengambilan tablet pada masa yang sama setiap hari akan mendapat kesan yang lebih baik. Ia juga akan membantu anda senang mengingati masa untuk mengambil ubat. Tablet Amdipine boleh diambil sebelum atau selepas makanan.

- Berapa lama perlu diambil  
Anda mesti mengambil Amlodipine Besilate setiap hari. Teruskan mengambil ubat anda sehingga doktor anda memberitahu anda.

- Jika terlupa mengambil  
Jika anda tertinggal satu dos dalam jangka masa tidak kurang daripada 12 jam daripada masa sepatutnya, teruskan pengambilan ubat segera dan ambil seperti biasa pada hari berikutnya. Jika tidak, abaikan dos yang tertinggal tetapi pastikan anda mengambil dos pada hari berikutnya. Jangan mengambil dos berganda untuk mengganti dos yang anda terlepas. Ini mungkin akan meningkatkan peluang untuk mengalami kesan sampingan yang tidak diingini.

- Jika mengambil berlebihan (dos terlebih)  
Hubungi doktor atau Pusat Maklumat Racun atau pergi ke Unit Kecemasan di hospital yang terdekat dengan serta-merta jika anda atau sesiapa sahaja telah mengambil dos yang berlebihan.

Anda harus mengambil tindakan ini walaupun tidak ada tanda-tanda ketidakselesaan atau keracunan.

Dinasihatkan bahawa dos berlebihan memerlukan rawatan perubatan dengan segera. Jika anda mengambil dos berlebihan, anda mungkin berasa pening, gayat atau pengsan dan mempunyai degupan jantung yang tidak teratur.

## Semasa menggunakan Amdopin

- Perkara yang perlu dilakukan  
Beritahu mana-mana doctor lain, doktor gigi dan ahli farmasi yang merawat anda bahawa anda sedang mengambil Amlodipine Besilate. Jika anda ingin memulakan rawatan lain dengan perubatan baru, beritahu doktor atau ahli farmasi bahawa anda sedang mengambil Amlodipine Besilate. Jika anda sedang hamil ketika anda mengambil Amlodipine Besilate beritahu doktor anda dengan segera.

- Perkara yang tidak boleh dilakukan  
Jangan mengambil Amlodipine Besilate untuk mana-mana keadaan sakit selainnya anda mendapat arahan dari doctor anda. Jangan memberikan ubat ini kepada pesakit lain, walaupun mereka mempunyai keadaan yang sama seperti anda.

- Perkara yang perlu diberi perhatian  
Berhati-hati ketika memandu atau beroperasi mesin sehingga anda ketahui kesan sampingan Amlodipine Besilate pada anda. Amlodipine Besilate Tablet mungkin menyebabkan sesetengah orang berasa pening atau mengantuk yang akan menjejaskan kecerdasan. Jika ini berlaku, jangan memandu atau megandalikan mesin atau melakukan perkara-perkara yang mungkin berbahaya jika anda tidak fokus.

**Kesan-kesan sampingan**  
Beritahu doktor anda atau ahli farmasi secepat mungkin jika anda tidak berasa sihat semasa anda mengambil Amlodipine Besilate.

Amlodipine Besilate telah membantu banyak pesakit tetapi sesetengah pesakit mungkin mempunyai kesan-kesan sampingan yang tidak diingini. Semua ubat mempunyai kesan sampingan. Kadang-kala kesan sampingan adalah teruk, tetapi kebanyakan kesan adalah tidak berapa teruk. Anda mungkin memerlukan rawatan perubatan jika anda mendapat beberapa kesan sampingan.

Jangan bimbang dengan senarai kesan sampingan. Anda mungkin tidak akan mengalami sebarang daripada mereka.

Beritahu doktor anda jika anda mengalami sebarang kesan-kesan sampingan yang berikut yang merisaukan anda:

- bengkak buku lali, kaki, muka atau tangan
- sakit kepala
- pening
- kemerahan kulit
- degupan jantung yang tidak normal
- keletihan
- rasa pening atau mengantuk
- sakit perut atau mual
- senak perut (ketakcernaan)
- keletihan luar biasa atau rasa lemah

Ini adalah kesan sampingan umum diperolehi oleh Amlodipine Besilate.

Beritahu doktor anda jika anda mengalami sebarang tanda yang berikut:

- kekejangan otot atau sakit
- masalah seksual
- gusi bengkak
- sembelit
- berat badan bertambah
- kesukaran untuk tidur
- berasa gelisah, tertekan atau murung
- perubahan di dalam penglihatan atau pandangan
- keguguran atau penipisan rambut
- dengungan dalam telinga

# Amdopin Tablet 5mg/10mg

Amlodipine Besylate equivalent to Amlodipine 5mg /Amlodipine Besylate equivalent to Amlodipine 10mg

Kesan-kesan tersebut tidak semestinya disebabkan oleh Amlodipine Besilate tetapi anda perlu memberitahu doktor anda jika tanda-tanda ini merisaukan anda.

Beritahu doktor anda dengan segera jika anda mendapati sebarang tanda yang berikut:

- perubahan dengupan jantung yang menjadikan lebih cepat atau lebih lambat
- sakit dada
- berasa pening atau ketidakseimbangan apabila berdiri dari posisi duduk atau berbaring
- sesak nafas
- gejala alahan seperti ruamkulit dan / atau gatal-gatal
- gejala penyakit hati seperti gatal, kekuningan pada kulit dan mata, dan air kencing berwarna gelap.

Ini mungkin merupakan kesan-kesan sampingan yang teruk yang memerlukan rawatan perubatan dengan segera. Kesan sampingan yang teruk jarang berlaku.

Ini bukan senarai lengkap bagi semua kesan sampingan yang akan dialami. Mungkin ada kesan sampingan yang lain berlaku pada sesetengah orang dan juga mungkin ada beberapa kesan sampingan yang tidak dikenali.

Jika anda mendapati sebarang gejala lain yang membimbangkan anda, pastikan dengan doktor anda.

Tanya doktor anda atau ahli farmasi jika anda tidak memahami maklumat yang tercetak dalam senarai ini.

Jika anda berumur 65 tahun dan keatas, anda harus lebih berhati-hati semasa mengambil Amlodipine Besilate dan harus memberitahu doktor anda dengan segera jika mengalami sebarang kesan sampingan. Didapati sesetengah pesakit yang berumur 65 tahun dan keatas adalah lebih berkemungkinan untuk mengalami kesan sampingan seperti bengkak kaki dan buku lali, kekejangan otot dan pening.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web [npra.gov.my](http://npra.gov.my) [Consumers → Reporting Side Effects to Medicines (ConSERF) or Vaccines (AEFI)].

## Cara penyimpanan dan pelupusan Amdopin

### - Penyimpanan

Pastikan ubat-ubat dalam bungkusan asal sehingga sampai waktu pengambilan ubat. Jika anda mengeluarkan ubat-ubat dari bungkusan asal, ubat ini mungkin tidak dapat mengekalkan keadaan penyimpanan yang baik.

Simpan ubat-ubat di tempat yang sejuk dan kering dan pastikan suhu bilik adalah dibawah 30°C.

Jangan simpan Amlodipine Besilate atau ubat-ubat lain di bilik mandi atau berhampiran sinki.

Jangan biarkan ubat-ubat anda di tepi tingkap atau di dalam kereta. Haba dan kelembapan boleh merosakkan ubat.

Simpan Amlodipine Besilate di tempat kanak-kanak tidak dapat mencapai/mengambil.

Tempat yang sesuai untuk menyimpan ubat ialah almari yang terkunci. Tempat ini perlu sekurang-kurangnya satu setengah meter dari lantai.

### - Pelupusan

Jika doktor anda memberitahu anda untuk berhenti Amlodipine Besilate, atau didapati ubat-ubat yang sudah tamat tempoh, anda harus tanya ahli farmasi tindakan yang perlu diambil bagi ubat-ubat yang masih tinggal.

## Maklumat lanjut

### - Rupa dan warna produk

**Amdopin tablet 5mg:** Berwarna putih atau putih pudar, berbentuk oktagon, 'uncoated tablet', bercetak timbul dengan 'AM 5' di salah satu sampingan dan kosong di sampingan lain.

**Amdopin tablet 10mg:** Berwarna putih atau putih pudar, berbentuk oktagon, 'uncoated tablet', bercetak timbul dengan 'AM 10' di salah satu sampingan dan kosong di sampingan lain.

### - Bahan-bahan kandungan

- Bahan aktif  
Amlodipine Besilate

- Bahan tidak aktif  
Mannitol, Microcrystalline Cellulose, Magnesium Stearate, Colloidal Silica Anhydrous, Sodium Starch Glycolate.

### - Nombor MAL

Amdopin Tablet 5mg:  
MAL11090016AZ

Amdopin Tablet 10mg:  
MAL11090017AZ

## Pengilang

Cadila Pharmaceuticals Limited,  
1389, Dholka – 382225,  
District: Ahmedabad, Gujarat State,  
India.

## Pemegang pendaftaran Produk

Pahang Pharmacy Sdn Bhd  
Lot 5979 Jalan Teratai,  
5 ½ Mile Off Jalan Meru, 41050  
Klang, Selangor, Malaysia.

## Tarikh Kemaskini RiMUP

November 2022

## Nombor Siri

NPRA(R2/1)220921/958